



## **JADUAL KHUTBAH JUMAAT SIRI 3/ 2022 (Bulan Mac 2022)**

| <b>Bil.</b>          | <b>Tajuk</b>                                                        | <b>Tarikh</b>                           | <b>Muka<br/>Surat</b> |
|----------------------|---------------------------------------------------------------------|-----------------------------------------|-----------------------|
| <b>1.</b>            | <b>IKTIBAR DARI PERJALANAN AGONG<br/>(SEMPENA ISRAK DAN MIKRAJ)</b> | <b>4.3.2022M/<br/>1 Sya'ban 1443H</b>   | <b>3</b>              |
| <b>2.</b>            | <b>WAHAI SUAMI, ISTERIMU TIKET KE SYURGA</b>                        | <b>11.3.2022M/<br/>8 Sya'ban 1443H</b>  | <b>10</b>             |
| <b>3.</b>            | <b>27 KALI GANDA</b>                                                | <b>18.3.2022M/<br/>15 Sya'ban 1443H</b> | <b>13</b>             |
| <b>4.</b>            | <b>BERJIRAN HINGGA KE SYURGA</b>                                    | <b>25.3.2022M/<br/>22 Sya'ban 1443H</b> | <b>18</b>             |
| <b>KHUTBAH KEDUA</b> |                                                                     |                                         | <b>24</b>             |

Percetakan dibiayai:



**زكاة قولاً وقيلاً**

No Telefon: 04-549 8088

---

## ***Jawatankuasa Panel Semakan Teks Khutbah Negeri Pulau Pinang***

---

- 1. SS Dato' Seri Dr. Haji Wan Salim bin Wan Mohd Noor  
(Pengerusi)**  
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**  
Pensyarah, Pusat Pengajian Ilmu Kemanusiaan,  
Universiti Sains Malaysia
- 3. Ustaz Rosli bin Othman**  
Ketua Sektor Pendidikan Islam,  
Jabatan Pendidikan Negeri Pulau Pinang
- 4. Ustaz Ahmad bin Hashim**  
Ketua Pusat Pengajian Tahfiz Al-Quran,  
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**  
Penyelaras Program Intervensi Kaunseling,  
Universiti Sains Malaysia
- 6. Ustaz Mohd Salmi bin Shaimi**  
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**  
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab  
(Setiausaha)**  
Ketua Penolong Pengarah, Bahagian Dakwah  
Jabatan Hal Ehwal Agama Islam Pulau Pinang (JHEAIPP)





## WAHAI SUAMI, ISTERIMU TIKET KE SYURGA

(11 Mac 2022M/ 8 Syaaban 1443H)

الْحَمْدُ لِلَّهِ الَّذِي جَعَلَ أَدَاءَ الْحُقُوقِ سَبَبًا لِصَلَاحِ الْأَحْوَالِ، وَتَوَعَّدَ مَنْ أَخْلَّ بِوَاجِبِهَا بِالْعُقُوبَةِ الشَّدِيدَةِ وَالنَّكَالِ.

وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ ذُو الْعِزَّةِ وَالْجَلَالِ،

وَأَشْهَدُ أَنَّ مُحَمَّدًا عَبْدُهُ وَرَسُولُهُ سَيِّدُ الرُّسُلِ كَامِلُ الْخِصَالِ.

صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ أُولِي الْفَضَائِلِ وَالْأَفْضَالِ،  
وَعَلَى التَّابِعِينَ لَهُمْ بِالْأَقْوَالِ وَالْأَفْعَالِ.

عِبَادَ اللَّهِ، أَوْصِيكُمْ وَنَفْسِي بِتَقْوَى اللَّهِ عَزَّ وَجَلَّ، فَقَدْ فَازَ مَنْ اتَّقَاهُ.

### SIDANG JUMAAT YANG DIMULIAKAN ALLAH,

Saya menyeru kepada diri saya sendiri dan kepada sidang Jumaat sekalian, marilah sama-sama kita bayangkan hari ini adalah hari terakhir kita di muka bumi Allah. Marilah kita perbaiki diri dengan meningkatkan keimanan dan ketakwaan kepada Allah سُبْحَانَهُ وَتَعَالَى yakni dengan melaksanakan segala perintahNya dan menjauhi segala laranganNya.

Sebelum melanjutkan bicara, suka khatib memberi peringatan. Ayuh kita tinggalkan sebentar dunia di luar sana. Usah kita hadir dengan hati dan jiwa yang kosong tetapi kita datang dengan harapan dan keazaman untuk mengubah kehidupan menjadi lebih bermakna. Untuk itu marilah kita berikan sepenuh tumpuan kepada isi kandungan khutbah hari ini. Sedarlah bahawasanya perbuatan berbual-bual, bermain telefon bimbit atau tidur dengan sengaja adalah perbuatan sia-sia yang boleh menjejaskan kesempurnaan meraih ganjaran pahala.



Bagi melengkapi kewajipan solat Jumaat hari ini, marilah kita menghayati bicara minbar yang bertajuk: **“Wahai Suami, Isterimu Tiket ke Syurga Allah”**.

## **SIDANG JUMAAT YANG DIKASIHI ALLAH,**

Khutbah hari ini dimulakan dengan jumlah sebanyak 5,260 kes keganasan rumahtangga mengikut statistik Polis Diraja Malaysia (PDRM) dari Januari hingga Disember 2020. Ini bermakna purata kes keganasan rumahtangga berlaku sebanyak 433 sebulan telah dilaporkan. Bahkan angkanya pasti bertambah bagi kes-kes yang tidak dilaporkan.

Mengapa ia berlaku? Lupakah kita seruan untuk berbuat baik kepada ahli keluarga seperti yang ditegaskan dalam hadis daripada Aisyah رَضِيَ اللَّهُ عَنْهَا bahawa Rasulullah صَلَّى اللَّهُ عَلَيْهِ وَسَلَّمَ bersabda:

**خَيْرُكُمْ خَيْرُكُمْ لِأَهْلِهِ وَأَنَا خَيْرُكُمْ لِأَهْلِي**

Maksudnya: “Sebaik-baik kamu adalah yang paling baik (hubungannya) dengan ahli keluarganya, dan aku adalah yang paling baik di antara kamu kepada keluargaku”. (Hadis Riwayat Ibn Majah)

## **Sidang Jumaat sekalian,**

Cuba bayangkan kaum wanita yang dizalimi dan dianiayai itu adalah anak-anak perempuan kita atau saudara perempuan kita sendiri? Lebam di sana sini. Cedera parah disepak dan diterajang. Didera perasaan mental dan fizikalnya? Bagaimanakah perasaan kita? Mereka ini lemah dan sewajarnya dilindungi oleh kita sebagai lelaki, sepertimana firman Allah "الرِّجَالُ قَوَّامُونَ عَلَى النِّسَاءِ" iaitu kaum lelaki adalah pemimpin bagi kaum wanita. Sebaliknya, amat menyedihkan apabila sebahagian suami yang diamanahkan oleh Allah ini pula mengherdik, menzalimi, mengasari, menumbuk dan memukul isteri-isteri yang melahirkan zuriat untuk kita. *Nauzubillahi min zalik.*

Bukankah Rasulullah صَلَّى اللَّهُ عَلَيْهِ وَسَلَّمَ sudah berpesan supaya tidak mengasari ahli keluarga dan Baginda menegah dari memukul isteri. Sebaliknya para suami hendaklah bertutur dan menegur mereka dengan

perkataan yang baik. Di dalam sebuah hadis daripada Mu'awiyah al-Qusyairi katanya yang bermaksud:

Aku menemui Rasulullah ﷺ dan bertanya: "Apakah pandanganmu tentang isteri-isteri kami?" Rasulullah menjawab: "Berilah mereka makan, sama seperti yang kamu makan. Berilah mereka pakaian, sama seperti yang kamu pakai dan janganlah dipukul serta dihina mereka." (Hadis Riwayat Abu Daud)

### **SIDANG JUMAAT YANG DIRAHMATI ALLAH,**

Jika sebelum ini ada suami yang pernah mengherdik isteri hanya kerana perkara kecil, maka pulang ke rumah nanti, lembutkanlah suara dan baikilah tutur kata dan tingkah laku.

Jika bulan lepas, ada suami yang terlupa memberi nafkah kepada isteri, maka berusahalah memberi nafkah yang diperlukan, kerana mereka isteri yang baik dan tidak meminta-minta.

Jika semalam, ada suami yang tidak hormat dan melukakan perasaan isteri, maka hari ini pujuklah dia, barangkali dengan berkat doanyalah kita kekal sihat dan dimurahkan rezeki oleh Allah.

Jika ada suami yang pernah mencederakan isteri, maka pulang nanti peluklah dia dan mohon maaf, kerana barangkali hanya satu sahaja kesilapannya di mata kita sedangkan kita lupa banyak lagi kebbaikannya kepada kita. Subhanallah!

### **SIDANG JUMAAT YANG DIKASIHI ALLAH,**

Bagaimana mahu mengelakkan keganasan rumahtangga yang disebabkan masalah isteri yang tidak taat kepada perintah para suami? Kuncinya adalah:

**Pertama:** Sabarlah dalam menghadapi ujian hidup berumahtangga kerana Allah telah menentukan Qada' dan Qadar kepada seseorang itu bukan untuk menghukum atau menzaliminya. Sebaliknya, Allah mahu meningkatkan darjat para suami agar bersabar dalam mendidik isteri dan ahli keluarganya supaya mereka beroleh syurga kelak.

**Kedua:** Teruslah mendidik isteri dengan penuh kasih-sayang. Janganlah menengkingnya dan tahanlah marah dengan berwudhuk atau menjauhkan diri daripada isteri seketika untuk menenangkan hati dan membuang ego dalam diri. Bayangkan kebaikan mempunyai isteri yang dapat menjaga makan, pakai dan minum serta kebajikan kita, adakah tergamak kita melukainya hanya kerana sedikit kesilapannya? Maafkanlah.

**Ketiga:** Didik diri dengan sifat-sifat mahmudah seperti bercakap dengan lemah lembut serta penuh kasih sayang dan tidak bakhil.

**Keempat:** Terus doakan kebaikan dan tidak berputus asa dalam mendidik isteri kerana di akhirat kelak kita akan ditanya tentang amanah yang dipertanggungjawab Allah ini.

### **Sidang Jumaat yang dirahmati Allah,**

Kesimpulannya, para suami perlu berusaha bersungguh-sungguh untuk menjadikan isterinya sebagai tiket mudah ke syurga Allah dengan mengubah diri menjadi suami mithali yang dicintai para isteri hingga akhir hayatnya. Takutlah kita akan azab Allah yang pedih. Semoga kehidupan kita dirahmati Allah dunia dan akhirat.

أَعُوذُ بِاللَّهِ مِنَ الشَّيْطَانِ الرَّجِيمِ

وَمِنْ ءَايَاتِهِ أَنْ خَلَقَ لَكُمْ مِنْ أَنْفُسِكُمْ أَزْوَاجًا لِتَسْكُنُوا إِلَيْهَا وَجَعَلَ بَيْنَكُمْ مَوَدَّةً  
وَرَحْمَةً إِنَّ فِي ذَلِكَ لَآيَاتٍ لِقَوْمٍ يَتَفَكَّرُونَ ﴿٢١﴾

Maksudnya: “Dan di antara tanda-tanda yang membuktikan kekuasaan-Nya dan rahmat-Nya, bahawa Dia menciptakan untuk kamu (wahai kaum lelaki), isteri-isteri dari jenis kamu sendiri, supaya kamu bersenang hati dan hidup mesra dengannya dan dijadikan-Nya di antara kamu (suami isteri) perasaan kasih sayang dan belas kasihan. Sesungguhnya yang demikian itu mengandungi keterangan-keterangan (yang menimbulkan kesedaran) bagi orang-orang yang berfikir.” (Surah ar-Rum: 21)



بَارَكَ اللهُ لِي وَلَكُمْ فِي الْوَحْيَيْنِ، وَنَفَعَنِي وَإِيَّاكُمْ بِمَا أُنْزِلَ عَلَى سَيِّدِ الثَّقَلَيْنِ، وَتَقَبَّلَ مِنِّي وَمِنْكُمْ طَاعَتَهُ لِسَعَادَةِ الدَّارَيْنِ، أَقُولُ مِنْ قَلْبِي الْحَنِينِ، وَأَسْتَغْفِرُ اللهَ الْعَظِيمَ لِي وَلَكُمْ أَجْمَعِينَ، وَلِسَائِرِ الْمُسْلِمِينَ وَالْمُؤْمِنِينَ، الْأَحْيَاءِ مِنْهُمْ وَالْمَيِّتِينَ، فَاسْتَغْفِرُوهُ يَا فُوزَ الْمُسْتَغْفِرِينَ، وَأَنْتَ أَرْحَمُ الرَّاحِمِينَ.





## Khutbah Kedua Bulan Mac

2022M/ 1443H

الْحَمْدُ لِلَّهِ عَلَى أَلَانِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،  
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحُشَانِهِ،  
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.  
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،  
وَزِينَةَ عَرْشِهِ وَمِدَادَ كَلِمَاتِهِ.  
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ،  
وَأَعْمَلُوا بِطَاعَتِهِ وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرِ بَدَأَ فِيهِ  
بِنَفْسِهِ؛ فَقَالَ - عَلِيمًا حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾  
[الأحزاب: 56]

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نَبِيِّ الْبَشِيرِ النَّذِيرِ، وَالسَّرَاجِ الْمُنِيرِ،  
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى  
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

### SIDANG JEMAAH YANG DIRAHMATI ALLAH,

Khatib juga mengambil kesempatan ini untuk menyeru para jemaah sekalian agar mengambil dos penggalak dengan kadar segera sebagai usaha mengurangkan kesan jangkitan Covid-19 dan menjaga kemaslahatan nyawa. Hal ini kerana data KKM menunjukkan, walaupun 71.3% telah menerima booster di Pulau Pinang, namun prestasi booster dalam kalangan Melayu/ Islam adalah yang paling rendah iaitu hanya 51.9% berbanding kaum lain. Situasi semasa juga



agak membimbangkan apabila kadar kematian di luar fasiliti kesihatan (BID) kembali meningkat dengan jangkitan Covid-19 hanya dikenalpasti selepas kematian. Maka segeralah mendapatkan dos penggalak di fasiliti yang terdekat sebelum atau pada 31 Mac 2022.

Semoga usaha ini menjadi asbab agar Allah سُبْحَانَهُ وَتَعَالَى melindungi kita dari jangkitan wabak selain terus melazimi doa:

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.  
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibnu Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzy Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْعَلَاءَ وَالرِّيَاءَ، وَالرَّبَا وَالرَّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَن بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

*Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang*



*istiqamah mendirikan solat secara berjemaah serta mengeluarkan zakat dan melaksanakan waqaf.*

*Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.*

*Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama, masyarakat dan negara.*

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾

فَاذْكُرُوا اللَّهَ الْجَلِيلَ يَذْكُرْكُمْ، وَاشْكُرُوا لَهُ عَلَىٰ نِعَمِهِ يَزِدْكُمْ،  
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾